

Буйина Иса Мәсһ

1 Ван р'ожада жь Аугустойе Қәйсәр ә'мьр дәрк'әт, кө һ'әму мәрьвед Императорийа Р'омайе бенә навньвисаре. 2 Әв навньвисара пешьн һена Куренийоие вәлийе Сурйайеда һатә кьрьне. 3 Һ'әму дьчунә бажаре вүә, кө һәр кәс наве хвә бьдә ньвисаре. 4 Усьв жи жь бажаре Ньсрәта Щәлиле р'абу һәвраз чу Щьһустане, бажаре буйина Дауьд, кө жер'а Бәйтләһ'м дьготьн, чьмки әв жь мал у қәбила Дауьд бу. 5 Әв чу, кө т'әви Мәрийәма дәргистийа хвә бьк'әвә навньвисаре. Мәрийәм жи һ'әмлә бу. 6 Чахе әвана ль Бәйтләһ'ме бун, р'ожа вәльдандьна ве пер'а гьһишт 7 у көр'е хвәйи ньхөри ани, әв п'еч'әкеда п'еч'а у афьр'да дани, чьмки меванханеда бона ван ши т'өнәбу. 8 Ль вьр чоле шьван һәбун, кө ве шәве хвәйитийа кәрийе пәзед хвә дькьрьн. 9 Мьляк'әте Хөдан ванва хөйа бу у р'умәта Хөдан дора ван шәвқ да, әв гәләки тьрсийан. 10 Ле мьляк'әт ванар'а гот: «Нәтьрсьн! Әз һатьм Мьзгинийа шабунәкә мәзьн бьдьмә вә, кө ве бона т'әмамийа мьләт бә. 11 Иро вәр'а бажаре Дауьдда Хьлазкьрәк бу, әв Мәсһ Хөдан ә. 12 Әва вәр'а бьбә нишан: Һуне зар'окәке п'еч'әкеда п'еч'айи афьр'да бьбиньн». 13 Ньшкева т'әви ви ордикә мьляк'әтед әзманайә мәзьн к'ьфш бу, пәсьне Хвәде дьдан у дьготьн: 14 «Шькьр Хвәдейе Һәри Жорьнр'а, ә'дьлайи сәр дьне ван мәрьвар'а, жь к'ижана Хвәде р'азии йә». 15 Гава мьляк'әт жь ван дур к'әтьн һьлатьнә әзмен, шьвана һәвр'а гот: «Вәрьн әм һ'әта Бәйтләһ'ме һәр'ьн, әв тьште буйи, кө Хөдан әм пе һ'әсандьн, бьбиньн». 16 У бь ләз һатьн, Мәрийәм, Усьв у зар'а афьр'да р'азайи дитьн. 17 Гава әв дитьн, чь кө бона көр'ьк ванр'а һатьбу ә'ламкьрьне, готьн. 18 Һәр кәсе кө жь шьвана әв тьшт дьбьһистьн, зәндәгьрти дьман. 19 Ле Мәрийәме әв һ'әму тьшт дьле хшәда хвәй дькьрьн у ль сәр ван дьфькьри. 20 Шьван вәгәр'ийан, чава ванар'а һатьбу готьне, бона тьштед бьһисти у дити пәсьн у шькьри дьданә Хвәде.